



7. Tschanteda da la suprastanza cumünela in marculli, ils 25.5.2016 a las 18.00 i'l restorant Veduta

Presidi: Duri Campell

Preschaints: Gian Andrea Bott, Jnes Barblan, Liun Quadri

Absaints: Paolo Bernasconi

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 0.212 Tscherna bos-cher / instructor da giarsuns
4. 7.100 Schlargiamaint da l'infrastructura Susauna, reponderaziun surdeda da lavuors sanitaras
5. 8.001 Plans da gestiun per las alps, credit fr. 21'200.00
6. 7.100 Schlargiamaint infrastructura Susauna, decisiun ultim termin per attach vi da la chanelisaziun e nouv attach ova potabla per las chesas in Nandet
7. 0.209 OEE, lingia da cabel Pradella – La Punt, contrats da servitut per parcelas nr. 601, 753, 489, 419, 474, 372, 296, 651, 242, 227 e 215
8. 7.000 Turbina lingia reservuar Guanscheras, decisiun preproget
9. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 03.05.2016 vain approvo cun 3 cunter 1 vusch.

59 0.212 Persunel Tscherna bos-cher / instructor da giarsuns

Sün la publicaziun da la piazza libra es entreda ün'annunzcha da Matthias Scheiwiler da Pany. Zieva chi ho gieu lö ün discuors cul candidat chi spordscha traunter oter progets da scolaziuns da giarsuns, decida la suprastanza unanimamaing da tscherner a Matthias Scheiwiler scu nouv collavuratur tar l'uffizi forestel. El cumainza sieu impieghi ils 1. october 2016.

**60 7.100 Chanalisaziun/sarinera
Schlargiamaint da l'infrastructura Susauna, reponderaziun
surdada da lavuors sanitarias**

La suprastanza piglia cugnuschentscha, cha zieva chi s'ho comunico la decisiun in connex cun la surdada da las lavuors sanitarias, ho comunico la firma Vitali, ch'els renunzchan sün la lavur, siand chi mauncha las resursas per fer quella granda lavur. Zieva animesa discussiun decida la suprastanza unanimamaing da reponderer la decisiun dals 03.05.2016 e da surder la lavur da sanitari a la firma Pinggera SA da S-chanf per las cundiziuns tenor surdada preliminar.

**61 8.001 Alps e pasculs
Plans da gestiun per las alps, credit fr. 21'200.00 e surdada da
lavur**

La suprastanza vaiva decis da piglier sü nouv tuot las alps sül territori cumünel e lascher fer plans da gestiun da quellas, per cha las vachedas paun gnir adattadas al temp actual. Our da quel motiv s'ho lascho fer ün'offerta al Plantahof per quella lavur. I'l preventiv 2016 nun es previs ün import correspondent, uschè cha la suprastanza ho da deliberer il credit correspondent. La lavur regard la registraziun in connex cun la biodiversited vo plainamaing al gestiuneder, siand cha quel ho l'interess da l'avantag finanziel futur. Zieva cuorta discussiun decida la suprastanza unanimamaing da deliberer il credit ill'otezza da fr. 21'200.00 e da surder la lavur a l'organisaziun Plantahof da Landquart pel predschi offert da fr. 21'200.00.

**62 7.100 Chanalisaziun/sarinera
Schlargiamaint infrastructura Susauna, decisiun ultim termin per
attach vi da la chanalisaziun e nouv attach ova potabla per las
chesas in Nandet**

In connex cul schlargiamaint da l'infrastructura in Susauna es previs d'eriger attachs per la chanalisaziun per las chesas dadour la zona da fabrica in Nandet. Tenor ledscha superiura ho la vschinauncha da metter a disposiziun l'infrastructura illas zonas da fabrica, ma na dadour quellas. Impü vaiva decreto l'uffizi per natüra ed ambiaint da l'an 2008 ün permiss provisoric per las chesas in Nandet/Prasüra/Arounsas per lascher svier l'ov'ascra i'l flüm, ma be fin chi'd es approvo la planisaziun generela per l'allontanamaint da l'ova. Quella es gnida approveda da l'uffizi chantunel la fin da l'an 2015. La suprastanza decida unanimamaing da pretender, cha las chesas in Nandet/Prasüra/Arounsas vegnan colliedas fin il pü tard ils 31.12.2017 vi da l'ara, respectivamaing vi da la rait da chanalisaziun Chapella-Susauna. Quista decisiun dess gnir registreda i'l cudesch fundiari sün mincha parcella, per ch'ün eventuel cumprender d'ün'imobiglia saja eir infurmo in chosa. Il termin es dal rest il medem, scu cha la regenza grischuna vaiva decreto per la fracziun Susauna. Impü decida la suprastanza unanimamaing, cha las lingias da l'ova potabla per las chesas in Nandet/Prasüra/Arounsas ho da gnir collieda nouv vi da la nouva lingia principela cul nouv trassè, tenor la dumanda da fabrica.

**63 0.209 Contrats e cunvegnas
OEE, lingia da cabel Pradella – La Punt, contrats da servitut per
parcellas nr. 601, 753, 489, 419, 474, 372, 296, 651, 242, 227 e 215**

La suprastanza piglia cugnuschentscha dals contrats e'ls plans correspondents regard ils drets da passagi per la lingia da cabel Pradella – La Punt cun las OEE. Tenor contrat da concessiun da l'an 1958, art. 5, es nossa vschinauncha oblieda da conceder drets da passagi gratuit. Zieva cuorta discussiun decida la suprastanza da suottametter ils contrats a la prosma radunanza cumünela cun la proposta d'accepter quels cun la pretaisa, cha in

cas da spustamaints da lingias pervi da las lingias existentas in possess da la vschinauncha vaun il cuosts plainamaing a las OEE.

64 7.000 Provedimaint d'ova

Turbina lingia reservuar Guanscheras, decisiun preproget

La suprananza piglia cugnuschentscha, cha'd es previs, cha l'ova dal reservuar Guanscheras vain in avegnir be auncha ütiliseda in cas extraordinaris scu fös etc., zieva chi sun gnidas effettuedas las lavuors in connex cul schlargiamaint Susauna. Ad es avaunt maun l'ideja da nüzzer l'ova per fer forz'electricica cun üna turbina. La suprananza decida cun 3 cunter 0 vuschs d'incumbenzer al büro d'indschegneria Liun Quadri d'eriger ün preproget. Liun Quadri s'ho absanto per quista tractanda.

65 9.999 Varia

La suprananza piglia cugnuschentscha dal preproget da l'uffizi chantunel per la construcziun bassa regard la correctura da la via tres Chapella.

Impü piglia la suprananza cugnuschentscha da la pusiziun da l'uffizi da god regard las remarchas fattas tres la suprananza regard ils plans da svilup dals gods.

A las 19.00 vain la tschanteda alveda.

In buna fè

L'actuar:

D. Schwenninger